

LES
COVSTVMES DE L'ACQVIT
venant aux deux Boistes du peage de Tours, extrait de la
Chambre des Comptes du Roy nostre Sire à Paris, & de
l'ordonnance de Nosseigneurs desdits Comptes, pour
en ayder aux Marchans frequentans la riuere de
Loire, & autres fleuves descendans
en icelle.


AVEC PRIVILEGE



A ORLEANS;
Par GILLES HOTOT, Imprimeur ordinaire
du Roy, & de Monseigneur le
Duc d'Orleans.

M. DC. XXX.

THE NEWBERRY
LIBRARY



COPIE DE LA REQUESTE

faite par les Marchans frequentans la riuere de Loire,
& autres fleuues descendans en icelle.

*A Nostreigneurs des Comptes du Roy
nostre Sire, à Paris.*



Vpplient humblement les Marchands frequentans la riuere de Loire & autres fleuues descendans en icelle, Disans que pour iustifier du bon droict qu'ils ont en certain proces pendant en la Cour de Parlement, pour la suppression, abolition & reglement des peages, leuez & exigez sur ladite riuere de Loire & autres y descendans, à l'encontre des seigneurs pretendans lesdits droicts. Est besoin aux supplians auoir & recouurer l'extraict d'un adueu baillé par le seigneur de Dynan, Chasteaubriant, Champtoceaux, autrement Chauzeaux, des droicts & deuoirs du peage pretendu sur les Marchands passans par ledit lieu de Champtoceaux ou Chauzeaux. Autre adueu de la Chastellenie de Rochefort, contenant la declaration du pretendu droict de peage, à l'endroiect dudit Rochefort. Certain proces verbal fait par Maistre Iean Mauloié, Commissaire député pour reformer tous les peages de ladite riuere, datté du 23. May, 1543. avec tout ce qui a esté par luy faict en ladite reformation. Item l'extraict du papier iournal de la recepte du peage de Tours, pour la Royne de Ierusalem & de Cecile, depuis le 24. Iuin 1385. iusques au 25. Ianuier ensuiuant, que Messire Iean De-Bueil commença à prendre le reuenu dudit peage de Tours. Ce considéré Nostreigneurs, il vous plaist ordonner l'extraict desdits tiltres, pancartes, adueuz, proces verbaux, & autres lettres & enseignemens concernans les-

CASE

F

39

.326

1630 EXC

aits peages , leur estre baillez & deliurez, & vous ferez bien.

Et au bas est escript.

Je consens l'extraict des pieces mentionnées en la presente requeste estre fait , ainsi què demandent lesdits supplians , pour iceux faits estre enuoyez à Monsieur le Procureur general, & en ayder lesdits supplians s'il est besoin.

Signé,

D V-MOVLINET.

Et au dessoubs est escript.

Soit deliuré ledit extraict cloz & seellé , & enuoyé au Procureur general du Roy en sa Cour de Parlement, pour en ayder les supplians s'il en est besoin , ainsi que le Procureur general d'icelle Chambre le consent. Faist & ordonné le 9. Decembre, 1559.

Signé,

D E-VALES.

*Extraict fait en la Chambre des Comptes du Roy
à Paris, de l'ordonnance de Nosseigneurs
desdits Comptes.*

EN vn liure ou registre en papier couuert de parchemin, estant en la douzième armoire des grandes armoires estans en la Chambre d'Anjou, intitulé sur la couverture d'iceluy : LE PEAGE DE TOURS de la recepte & despence, pour l'an trois cens quatre vingts cinq, quatorze cens quatre vingts vne, douzième armoire : Ledit registre non signé en aucun lieu d'iceluy. Au commencement duquel & és j. ij. iij. & iiij. fueillets d'iceluy, sont escriptes les parties & articles par le menu, qui ensuiuent ; Ce sont les Coustumes de l'acquit, venant aux deux boites du peage de Tours.

PREMIEREMENT, Sel venant par la riuiere de Loire, doibt pour chacun muids mesure de dix deniers obole ; C'est à sçauoir pour peage, trois oboles : & pour commandise neuf deniers : Et avec ce pour chacun chalan pour fallage vn septier de sel à foue, à quatre sols pour peage & commandise par moitié.

Sel venant par la riuiere de Cher, pour chacun muids mesure de douze deniers ; C'est à sçauoir trois deniers pour peage, & pour commandise neuf deniers : Et avec ce chacun chalan pour fallage, vn septier de sel comme dessus.

Sel chargé en la Ville de Tours en charrettes, doibt par chacune chartée quatre deniers de peage, & commandise par moitié ; Et en outre pour chacun cheual estant en ladite charrette, vn denier de commandise.

Sel chargé en ladite Ville en menu charroy, doibt par chacune Boiste trois oboles ; C'est à sçauoir obole de peage, & vn denier de commandise.

Sel achepté par homme demeurant au Chastel neuf, doibt par chacun muids vn denier, & s'il passe la nuit l'on le gagera de soixante sols.

Vin venant par lesdites riuieres, doibt pour chacun tonneau vingt deniers : c'est à sçauoir cinq deniers de peage & quinze deniers de commandise. Et chacune pipe ou buse, par semblable. Et s'il vient au dessus de Blois, pour chacun tonneau deux sols, & pour la pipe douze deniers de peage, & de commandise comme dessus.

Vin venant par terre, chacun tonneau deux deniers obole de commandise. Et la pipe ou buse vn denier parisis, & chacune pipe obole.

Bled venant par lesdites riuieres, doibt pour chacun muids mesure de huit deniers : C'est à sçauoir deux deniers de peage, & six den. de commandise.

Bled amené de dehors deschargé en la Cité, par homme demeurant au Chastel neuf, doibt pour chacun muids vn denier de commandise.

Bled & pain venant sur bestes, les quatre bestes vn

denier de peage.

Poix noire, chacune somme vn pegeas de peage & de commandise; Et chacun cheual soit en charrette ou par soy, vn pegeas.

Drap en rouleau, chacun drap cinq deniers; C'est à sçauoir deux deniers de peage, & trois deniers de commandise par terre, & par eue le peage est double.

Cheuaux ou Iumens du prix de quinze liures & au dessus, chacun cheual dix-sept deniers; C'est à sçauoir quatre deniers de peage, & de commandise treze deniers. Et au dessous de quinze liures chacun cheual ferré, quatre deniers; & non ferré deux deniers de peage.

Poulains desertes, chacun poulain deux den. de peage.

Alun, Draps, Serges,	{	Chacune somme dix sept deniers;
Guede, Soye,		C'est à sçauoir quatre deniers de
Fil teint,		peage, & treze deniers de commandise. Et s'il y a Escarlatte, cinq sols:
Poiure, Saffran,		c'est à sçauoir douze deniers t. de
Gingembre,		peage, & quatre sols de cōmandise;
Cire,	{	Et à col chacun fardeau, quatorze
Poix blanche,		deniers: c'est à sçauoir quatre de-
Cordoüan,		niers de peage, & dix deniers de
Plomb, Estain,		commandise. Et s'il y a Escarlatte,
Airain, Cuiure,		cinq sols comme dessus.
Archal,	{	Et si homme demeurant audit
Fustaine,		Chastel neuf achapte les choses en
Sauuazine,		la Cité, il doit pour chacune somme
Batterie,		quatre deniers.
Poisle d'airin,		Et pour chacun collier, deux
Mitaille,	{	deniers de peage par terre, & par
Rocs, & autres choses de semblables.		eue le peage double.

Pour chacune beste; c'est à sçauoir Asnes, Porcs, & Vaches, obole de peage.

Pour chacun bœuf, vn denier de commandise.

Moutons, Chastriz, & Oulles, les trois bestes vn denier de peage.

Meulle de Moulin, treze deniers chacune; c'est à
sçauoir cinq deniers de peage, & huiet deniers de com-
mandise par terre, & par eau le peage double.

Chalan ou Bacs neufs, chacun douze deniers, de peage
vne fois payé.

Sentine neufue à peautre, deux deniers chacune, du fust
vn denier de peage, & de commandise vn denier.

Foraine neufue, huiet deniers de peage chacune.

Chares, chacun charon neuf, quatre deniers de peage.

Seiches chacun millier, huiet deniers de peage, & com-
mandise par moitié par terre, & par eau le peage double.

Haran chacun millier huiet deniers de peage, & com-
mandise par moitié venant par terre, par eau le peage
double; Et s'il est achepté par homme du Chastel neuf,
chacun millier doit deux deniers de commandise: & s'il
est apporté hors de la Ville, pour chacun millier quatre
deniers de commandise.

Saumons sallez, chacune chartée quatre deniers. La
somme deux deniers de peage, & commandise par moitié.
Et pour chacun cheual vn denier de commandise. Et cha-
cun Saumon seul, obole de peage par terre, & par eau
tout le peage est double.

Huistres chacune somme, vn cent d'huistres.

Lamproyes chacune somme, montant douze lamproyes
& au dessus, par terre ou par eau vne Lamproye de peage,
& de commandise par moitié.

Alozes chacune somme, tant par eau comme par terre
vne aloze de peage, & de commandise par moitié.

Conuers chacune somme, la hauée d'un homme.

Baleine, chacune chartée vn carreau. La somme vne
vne piece, ne des pires ne des meilleures & à col.

Fer, Acier,	{	Chacune somme doit trois de- niers: c'est à sçauoir deux deniers de peage, & vn denier de commandise par terre, & par eau le peage est double.
Cloud, Miel.		
Huile, Lard,		
Saing, Oingt.		
Suif, Beurre,	{	

Hauberts, chacune piece huiet deniers de peage, & de

commandise par moitié par terre, & par eaue peage double.

Heaumes, chacune piece douze deniers; c'est à sçauoir quatre deniers de peage, & huit deniers de commandise s'ils sont garnis: & s'ils sont desgarnis deux deniers de peage, & six deniers de commandise par terre, & par eaue le peage double.

Boucliers & escuz douze deniers; c'est à sçauoir quatre deniers de peage, & huit deniers de commandise par terre, & par eaue le peage double.

Esperons & Estriers, chacune somme vne paire, & s'ils sont à col par portion.

Fers à cheual, gonds & menuës ferrures, chacune somme trois oboles; c'est à sçauoir obole de peage, & vn denier de commandise.

Poisle de fer, chacune somme quatre deniers de commandise.

Peaux de cheureaux escruës, chacune somme deux deniers de peage, & de commandise par moitié.

Peaux de veaux courroïées, chacune charge vnze deniers de commandise, & non courroïées obole de peage.

Peaux de mouton courroïées, chacune charge vnze deniers de commandise, & non courroïées la douzaine vn denier de peage.

Coëte pour liët, chacune quatre deniers de peage par terre, & par eaue huit deniers.

Pelleterie d'aigneaux, chacune somme vnze deniers; c'est à sçauoir quatre deniers de peage, & sept deniers de commandise. Et chacun collier deux deniers de peage, & six deniers de commandise par terre, & par eaue le double.

Ferremens esmoulus, chacune charge ou faix à col vn denier de peage par terre, & par eaue deux deniers.

Cuir, chacune tacre qui contient dix cuirs, huit deniers de peage, & commandise par moitié par terre, & par eaue le peage double.

Cuir à desfrancher, chacune somme trois oboles; c'est à sçauoir obole de peage, & vn denier de commandise par terre, & par eaue le peage est double.

Cuir ou le poil, chacun cuir obole, & s'il est de monne, vn denier de peage.

Pots & pichiers de terre, chacune somme vn pot par terre, & par eau le peage double.

Moyes & roupes, chacun collier, doit vne de peage, & de commandise par moitié.

Verres, chacun sommier deux verres.

Chacun collier vn verre de peage, & de commandise par moitié.

Toilles, Cheneuz, Chanure, chacun sommier quatre deniers, & chacun collier deux deniers de peage, & de commandise par moitié.

Bancs & huchès, chacune piece quatre deniers; c'est à scauoir deux deniers de peage, & de commandise par moitié, par terre & par eau le peage double.

Lances, chacune chartée vne Lance.

Aix & Arbalestes, chacun cent vne piece.

Mercerie en courroie de Paris, chacun sommier deux courroies, & chacun faix à col vne courroie de peage, & de commandise par moitié.

Queuz, chacun sommier deux queuz, Et chacun collier vne queuz de peage, & de commandise par moitié.

Noix, chacun septier obole de peage par terre, & par eau vn denier.

Fromages, chacune somme quatre deniers de commandise.

Bois corgné, chacune chartée quatre deniers de commandise.

Bois rond, chacune chartée deux deniers de commandise.

Busches à rotte, trois rots, vn denier de commandise.

Collation de ce present extraict est fait à l'original des parties suscriptes, en vertu de la requeste & decret de la Chambre: Apposé sur icelle, par moy Conseiller du Roy & Auditeur des Comptes sous signe, le 15. Iannier 1559. Signé, R O V X.

